

近代中國史料叢刊第八十輯

沈雲龍主編

浙

鴻

爪

印

程

蘇著

文海出版社

有限公司

印行

光緒乙巳余自直隸改官浙江會輯在直時文牘爲燕鴻爪印一書時適友人汪甘卿觀察辦報滬上爲刷印五百部除分贈戚友外餘携之浙以索取者多比三年後至台州已無以應矣余抵浙卽入督審局局有疑獄二久不決余探頤索臚均得其情顏彼夏廉訪白之張筱颺中丞命余攝象山篆余視象山固猶昔之交沙甯津也而象人獨感念余不置辛酉之秋余重游泮水懸匾稱觴猶特遣代表航海遠來以詩聯投贈故余亦至今思象人如漢文帝之於鉅鹿焉在象未二年奉飭赴西安本任繼又調署臨海以余視之固猶是象山也然而新政日益繁爲牧令者益日不暇給余躬自操觚之文字以是亦日少辛亥秋卸臨海篆僑寓滬南未兩月國變戡影舊廬口不談政治者於今已十三年壬戌秋重親騎省之戚甫旬日而大病呻吟年餘幾瀕於危時則三兒廷煦亦患濕溫症甚劇如天之福均慶更生而禍難未已入冬又遭狐擾嘻嘻出出時聞毫社之叫後屋兩進悉燬書籍什物損失尤多次孫懋圻因驚竊焉不得已延正乙真人劾治之始安檢視浙中所自草文牘則三冊已失其一兒輩慮其遂軼也以續編成書請余乃就所存者輯爲四類名之曰浙鴻爪印在西安時曾攝府篆數月而書中無一府文者以守非令比無事握管嘔心也至余審判諸案詳細本末則別紀之宦游隨筆中宋人有言國家設官數百其親民者僅一縣令而已縣令苟多用一分心人民即多沾一分益今雖國

體已變官制已更其於地方有密切之關係則一也余歷官南北有時不獲乎上而民心尙傾
向者無他恪守事必親裁案無留牘之官箴肯爲地方盡心而已然心不可見必假言以見之
余是書雖皆蹄筌而覽之者可以見余心太史公所謂讀其書想見其爲人也然人心不同或
且鄙之曰是特前清專制之政治舊學腐敗之陳言何足以供覆瓿則將笑應之曰誠哉君言
甲子仲夏慵僧程鱗書於白下寓廬

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



浙鴻爪印上卷目錄

奉賢程蘇著

批示類

批周震麟等公稟

批孫道均賴昌賢等稟

批朱煥光控謝補袞等稟

批干光春等稟

批翁仁華等公稟

批袁立方等稟

批刑書齊道生保俞繼寶結狀後

批吳祈式等求免加租辦學稟

批徐國豐等各董請留穀自衛稟

批黃孝標控兄孝震霸產稟

批賴炳文控史善漢稟

批鮑賢林請運糯穀釀酒稟

批老童徐銘敬稟

批社董俞有銘等稟

批蕭應釗等修理陳地碑門請按故攤捐稟

批鄭景釗控姪兆寶斬傷牛足稟

批村董姚先廣等稟

批工藝學堂校長傅有隣稟

批藝徒學堂傅有隣稟

批男爵邱世藩控徐國豐等稟

批差吳才報花會稟

批翁祥吳才等差役稟

批大泥塘衆民公稟

批區董楊觀光等稟

批文生陳顯位稟

批邁婦沈陳氏稟

批陳文烈稟

批媛秀女校長沈企新稟

批戲班領袖稟

批勸學所王紳予袞稟

批下南鄉總董駱方溶稟

批陳世熙等控謝補袞運米不到埠稟

批紳耆謝補袞稟

批王劉氏稟

批蔣黼請領照往東鄉運米接濟稟

批官學堂董事王詔九稟

批耆民莊維金稟

批鄭開金等竹器向來專做稟

批徐啟譜控兄姪呈詞

批賀璜黼等稟陳並無夾帶私糧稟

批工藝學堂校長傅有鄰稟

批大泥塘村董林朝和求退稟

批蔡兆鵬求退學董稟

批樊植崧等稟黃森茂誤看麻雀捐金求免究稟

批周琛隆等請撥修理水龍稟

批始達學堂校長陳陸森稟

批城紳林燕懷等續濬城內溪河稟

批朱金法等稟

批謝廷恩請設崇本學堂稟

批蔡兆鵬等控邵天香聚賭稟

批職員胡國彩爭繼稟

批生員蘇筠稟詞

批差役周福稟周阿全抗糧毆差稟

批潘李氏稟

批余宗瑾稟

批教職謝補袞稟

批請修朝宗等碑稟

批胡姓房族長稟

批周恩澤等請加結人冊選舉稟

批文生孫可浚稟

批鮑國梁請提錢義余刑訊仇宜昂稟

批呂國璜控姪稟

批葉生有等稟

批刑書張慶源等稟

批文生陳毓清請禁裁衣水木工漲價稟

批胡某存案稟

批呂國璜稟

批原差毛清等稟

批職員鄭大謨等稟

批職員余宗瑾稟

批調查員汪鏡清等稟

批葉澄等稟

批石室堰董稟

批劉得勝稟

批農民吳若根等稟

批紳民樓彪等稟

批徐老炳等犯賭被獲情願罰款以求免究呈

批周文光稟

批詹紹淮等稟

批糧總書卯首吳錫齡稟

批朱慶昌稟

批王子恭呈

批柴金標稟

批姜宏燮稟

批包升等稟

批洪永定等稟

批吳嘉祥等稟

批捕頭雀斌等稟

批職員潘世倣呈

批糧總書程毓賢等稟

批快頭余昇稟

批朱寶齡等稟

批汪慶祥稟

批文生杜宗堯等稟

批師範畢業生程光浩稟

批副巡董程大廉稟

批周文光稟

批散役陳源等

批散役陳源等稟

批吏房經書葉曉雲稟

批糧書葉永邵稟

批西鄉保嬰董事詹煦等稟

批監生潘德容稟

批信誠公等稟

批歇家葉復榮稟

批城莊糧保葉楫舟等稟

批寺僧有仙等稟

批總押差陳升等稟

批王紳德玉等稟

批李翠秀等稟


批張鳳藻稟

批王秀鼎呈

批監生崔極高稟

批高等小學堂長李壽鶴稟

批紳耆周繼溪等請辦災賑公呈



批詞類

批周震麟等公聚

中國數十年來遘閔既多受侮不少揆厥由來總因民智之未開教育之未普 朝廷有見於此於是設學部學使以提倡於上而有志之士亦奔走於下冀以廣教育者挽貧弱曲突徙薪無非欲以免焦頭爛額耳雖萌芽伊始大輅椎輪辦法間有未善且以人類之不齊往往有託身學界假公濟私者然要不能因噎廢食邇者時局阡危益甚凡吾官紳譬尤同舟遇風不共整帆理楫以救人者自救迨至人溺而已欲免其魚得乎象邑僻陋教育未振固官紳之責也謝紳補袞讀書明理而又家擁厚資身登仕板雖不能如趙鬪氏之毀家紓難漢卜氏之輸財助邊亦應躬自提倡爲桑梓先而乃東山左右未聞弦誦之聲揆之四郊多壘之義亦未免士大夫之恥矣朱董煥光以漁塘供學費雖咨商大眾稟准有案如果於有主之塘不先商允率爾興築辦理不善誠難辭咎但監督地方司法行政尙有地方官在爲塘主者何妨據理呈訴設或判斷未允亦儘可投訴上憲衙門乃又計不出此以縉紳之族爲無意識之舉動此又本縣所深爲該紳惋惜者也案已照會總董查復據呈前情聽候併案查辦孰是孰非直道自在人心公論難逃衆口應候總董復到即當傳齊通案人證集訊明確詳請

憲示辦理着傳諭各紳一體遵照

批孫道均賴昌賢等稟

查田地山塘過分科則例應分別報陞承糧完課詎得假借田已陞賦遂欲包括塘港且該塘既非荒蕪則是該柱首等歷年私收租息匿不報陞顯而易見律以欺隱之條本應充公罰辦前縣未予深究但撥學堂收租充費本屬格外從寬况學堂開辦之先聚衆集議簽字允洽該塘柱等豈無聞見又自前任批准給示至今時經一載果如所稟於養民有害何以歷時如彼其久紳衿父老絕無一言即該塘柱等亦均袖手作壁上觀直待謝補袞裕家塘搶魚一案出現彼此互訐乃始出而挿訟謂非扛幫而何周夢林等前次具稟業經明晰批示並出示曉諭在案爾等不思興學爲目前當務之急其成其敗於爾等一鄉子弟利害所關甚巨乃輒聽謝補袞運動甘心爲之鷹犬何事理不明一至於此案一俟勸學總董具復即當提集兩造澈訊詳辦毋許爾等多事如再挿身干預定即提案查明歷年隱糧若干依律嚴辦並治以扛幫之罪至阜成新小三塘現據朱煥光稟稱因係沿海塗地潮來成海非內塘可比故未議租與爾等所稟不符究竟應否一併撥入學費應俟庭訊時併案察辦本縣辦事惟知主持公道決非浮議所能淆惑多騰口說無益也

批朱煥光控謝補袞等稟

查閱粘呈圖說十堡界內本有三十餘塘該職既逆慮招搖自應於初稟定案時將何者爲沿海外塘何者爲內塘有港何者爲內塘無港何塘應議征租何塘應予免租逐一聲明請縣出示俾衆周知方無閒隙至新小兩塘既由該職自己管業更應本身作則躬樹之型庶合有諸已而後求諸人之義乃查閱原稟既未將議不取租之塘盡清界限即議租之十三塘又僅統言塘數並未將各塘詳細指實齋糧資兵授人以柄此私自填註徇隱擇肥之控之所由來也論語信近於義一章朱註謂凡事皆當謹之於始當此世風不古競爭劇烈之秋處處腳踏實地尤慮反對者無風生浪况復藏身不恕先貽人以口實乎空穴來風開門揖盜該職辦事草率豈能辭咎惟魚塘係學董所修魚苗係學堂所養該職不過辦理不善耳究非謝補袞糾衆搶魚啓人效尤敗學務全局者比應俟總董復到傳集訊明詳辦毋徒以筆舌爭勝單圖姑附

干光春等稟

呈內首列之賀璜輔既未到堂檢閱呈詞文理又全未通順是此呈不特非賀璜輔所爲且非賀璜輔所曾見可想而知運米出海關係何等重要賀璜輔身任一鄉總董公事公非豈容或紊而乃以一人之身忽焉左袒爲劉忽焉右袒爲呂朝秦暮楚出爾反爾本縣料賀璜輔決勿

爲此又豈曾參殺人毛遂墜井此一賀璜輔彼又有一賀璜輔耶古人謂鼎鑄尙有耳本縣到任雖未久辦事情形爾等諒亦早有聞見作僞心勞終必敗露此後慎勿再肆掩著之術妄冀欺朦轉干咎戾至此案是非虛實應俟賀璜輔親自來縣秉公指剖以期真相畢現毋容爾等揶身涉訟致近扛幫

翁仁華等公稟

本縣訪聞爾等議修族譜本公議延請歐紳主修嗣因克剛圖傾克修族長別生異議爾等不悟訟則終凶之理輒聽克剛唆使相與推波助瀾以致訟蔓滋延多年不解卒之損人者已亦不利在克秀固受累甚鉅而克剛亦所耗不貲即爾輩扛幫諸人亦莫不同受虧損通盤計算孰非翁氏祖先留遺之心血乎鬼而有靈亦當含痛而爾等尙執迷不悟抗斷聚衆甚將蔡甲榮人船勒拔恣意逞蠻本縣非不能執法嚴懲弟念爾輩皆本縣赤子自維涼德不能感化深自內疚爾等若天良尙在翻然省悟應即來案投質聽候核判斷此訟藤本縣聽訟向來不膠成見一以情理爲衡爾等諒亦早有見聞慎勿恃衆胡爲節外生枝轉干咎戾切切

批袁立方等稟

本國人與本國人涉訟雖在通商口岸且不許外人干預况在內地該民人等如果並不賭博

理直氣壯儘可來縣投質而乃乘本縣公出之際僱倩一朝鮮人投遞訴詞顯見情虛畏罪借外人爲護符此等伎倆何能在本縣前嘗試塗茨去城不過三十里豈本縣一月以來辦事情形爾輩竟耳無聞目無見耶荒謬已極候即提集訊明從重究辦以爲玩法者戒

批刑書齊道生保俞繼寶結狀後

此案構訟七年層波疊浪禍皆起於俞繼寶一人該民人以一倉役始則抖收穀石繼則違斷抗傳終且糾衆毆搶雖毆搶一事庭訊時尙未供認然丁儒煥傷從何來倉中簿冊何由而入彼手此中情節豈容諱飾似此害羣之馬本應從嚴懲辦以戢刁風姑念滋訟年久兩造受累惟均鄉里宜睦不欲令彼此遂成仇怨因此擬予和平了結此係本縣法外之仁但須將欠洋十三元搶去穀千數百石一律清繳方能訊釋斷不准託詞敷衍再啓訟藤欲寬乎欲嚴乎本縣不設成心任俞繼寶自擇可也

批吳祈式等求免加租辦學稟

學堂是眼前頂要緊的事不但是考試停止不進學堂沒得個出身就是做經紀的種田地的做手藝的不讀書與讀書的比較那個便宜那個吃虧你們想也曉得況且就地籌款興辦學堂是奉

旨的有人阻撓就是違背

諭旨了這個罪名那個當得起呢大呢塘公租向比大概便宜許多即使酌加些須究還公道去年張隆德等稟奉 府縣批准酌加租息以濟學費這是以你們的錢培植你們的子弟算替你們辦事你們應該力助成功方是正理乃聽外人誘惑出而阻撓生出許多枝節來後來你們自願立學公議每畝加租二角作為學費請黃錦章經理已稟准有案不知怎樣又翻悔起來至今無成要知學堂不立你們後輩從此不能讀書還是你們自己吃虧這挑唆的人他只想於中取利管你們吃虧不吃虧你們何苦上當呢本縣到任時你們遞稟就明白批示說租自不能不加惟須秋後察看辦理現你等稱亢旱無收而學堂首事則稱大泥塘出產向以荳麥早禾棉花番薯為大宗本年皆十分收成晚禾無多得失不論兩面說話反對過遠總之佃戶當恤學費尤不能不籌應怎樣酌定租價商量一兩全之法候照會楊董觀光察看情形妥議具復候核萬勿聚眾把持自投法網本縣恐你們不懂文言故手批白話仔細開導你們不負本縣一片苦心就是好百姓了

批徐國豐等各董請留穀自衛稟

禁止運米係指出境而言本境則應照常流通若此村與彼村亦劃分疆界一律遏糴勢將河

內與河東一則臣朔饑欲死一則侏儒飽欲死此苦餘布彼苦餘粟不特無此政體且亦非人情前據世職邱世藩稟請將租穀運銷石浦當以石浦係屬本境是以准給護照又恐其夾帶出口諭以到石浦後即赴巡檢衙門報明將照繳銷並扎巡檢司候此項租穀到石查明行銷何處即將照取回轉繳不准私運出海防閒不可謂不周乃來稟輒指爲借此爲名巧詐夾帶殊屬誤會惟該世職運穀出售無非爲以粟易錢計該董等稟請留供該村自食願照石浦現時價值過秤給價事屬兩便該世職應無不允之理即着該董等面商該莊經理人妥議辦理

批黃孝標控兄孝震霸產稟

查光緒二十五年續立分書僅止爾父有押此外親族一概有名無押所稱領脚地二十四畝議定父母故後三股均分序內亦未載有此語殊難憑信至爾兄積欠爾父錢文父子天親本無所謂債欠又安有同胞出而控爭之理序載爾父遺訓命爾等毋傷手足之情今骨肉未寒爾即先縱尋斧如爾父九京含恫何況爾分析未久預議親族存者必多如爾兄果有煮豉然其逼人太甚之事彼親族豈無公論慎勿聽訟棍唆使遽操同室之戈帳簿擲還

批賴炳文控史善漢稟

該民人之女嫁史善漢爲妾妾已十二年兒女均已長成苟無大故史善漢家擁倉箱名登座

序何肯甘受惡名中途捐棄即該民人亦何肯安心忍受携手同行其中情節不問可知昨據房族史積寅等來案具稟面稱賴氏如願完破鏡史善漢已肯爲覆水之收若其不願同居清修庵觀史善漢亦願撥田二十畝以貼賴氏衣食等語二者之中任爾父女自擇其一面商史積寅等辦理慎勿聽唆纏訟

批鮑賢林請運糯穀釀酒稟

裝運出口不關本境且糯穀尤非日食之糶種可比自可如稟給照准運惟往返須用船載經由洋面易啓偷漏夾帶之弊應將裝載日期呈明聽候派差協保前赴海口會同海口汛查明某日裝船幾隻計穀幾擔是否悉係糯穀何日裝竣據實報縣運至西周登岸後即赴西周汛報驗明白即將護照呈由西周汛核明繳縣路程不過應以七日爲限并着遵照

批老童徐銘箴稟

悞逆之至實能自反非禮相干可以理遣爾爲儒生豈不知此陳室富少年無賴着持批傳諭地保王森槐轉飭其父嚴加管束如再滋生事端許地保鳴送究治爾勿以口角細故遽傷鄰里睦誼

批社董俞有銘等稟

本縣聽訟但知衡情察理從無偏倚此案兩造均有不實不盡早已如見肺肝一經環質真情畢露自有公道辦法毋容爾等插訟特斥

批蕭應釗等修理陳垸碑門請按畝攤捐稟

農爲邦本食爲民天據稟陳垸碑門爲一方農田利害所係近因年久失修以致頻年受害自應趁此農隙趕緊興修所需經費按照同沾利益之田地計畝均攤亦屬公允惟此等大工在事諸君如以爲民捐民辦毋庸地方官干涉則亦不必來縣請示如以爲知縣者知通縣之事有監督地方之責則應於定議後公同來縣面呈稟摺商酌辦法方爲慎重公事之道今乃先則僅遣一抱繼則介林紳蒞安代投林紳家非東鄉稟內又未列名貿然代人投稟是爲越俎該紳等視公共工程如家庭建築等地方官長於傀儡木偶豈象山一邑別有天地非人間耶本縣在此攝篆本係五日京兆兼之德薄能鮮宜爲人輕但此心則不敢不自重似此視公事如兒戲惟有敢告僕夫敬謝不敏而已附摺揭還

批鄭景釗控姪兆寶斬傷牛足稟

收族敬宗詳諸戴禮急難禦侮詠自葩經該生與兆治兆寶之父景智係同祖兄弟現尙同居假使平日有一於此思莫遠具邇之誼少甘退讓理遺情想何難式好無尤而乃莫知常棣之

情專修角弓之怨頻年纏訟罔顧懿親在景智父子岷之岷岷誠不知大義而該生對此儒冠
不豈能內省無疚查該生控兆治賭案甫於昨日判結茲乃又控兆寶傷牛果如所稟兆寶忍
心害理豈得無罪本縣原不難傳集訊斷然使一門之內日尋干戈必致仇恨愈結而愈深行
將爲實沈台駟之續該生其尙能一日安居耶應即投訴族長村董理令兆寶將牛傷趕速醫
治該生亦即將欄修好移牛別家毋使實逼處此再啓畔端薛包推讓田宅牛弘不問車牛該
生讀聖賢書所學何事其三思之

批各村董姚先等稟

紳董者所以佐官耳目所不及爲地方興利除弊共保治安者也賭之爲害至烈盡人而知該
生等豈有不知之理本縣入境問俗即聞象邑賭風極盛爰於接篆之日即以禁賭爲首務迭
出告示嚴禁又於宣講場親自演說賭之禍害三令五申幾於唇焦舌敝無非欲回旣倒之狂
瀾免我民沉溺喪其身家耳不謂言者諄諄聽者藐藐時逾二月賭徒之呼盧喝雉如故董事
之寒蟬仗馬如故不得已密遣信人偵騎四出始知東鄉之珠溪溪沿木瓜等處西鄉之牆頭
儒雅洋等處皆有賭窟方將按圖索驥一一擒捕竟以掃宿害而快人心此次王聖基等先行
獲案該生等自應公請嚴辦方不愧周孝侯除害之意乃徒知瞻徇私情罔顧公益反爲之朦

請保釋然則本縣將何所資以匡襄細民將何所賴以觀感一家哭與一路哭之比例還請諸君思之

批工藝學堂校長傳有磷稟

振興實業爲目下中國救貧第一要義象邑民瘠游民衆多尤宜廣開工藝以救其弊本縣承乏茲邑於富教二字刻不去懷而於工藝一事尤拳拳在抱徒以無米爲炊有志未逮該生母子毀家興學開設男子藝徒學堂誠不愧鐵中錚錚成球鐵佩惟欲興實業斷非一人一家之力所能濟美國富強所以甲於地球者以能結團體成無數託辣斯也自古獨力難支衆擎易舉務希轉商具熱心而負大力紳富如何歐諸紳悉心商榷竭力整頓庶該校事業不至半途而廢是爲桑梓關利源爲子弟免游惰本縣不勝厚望如有可助之處自必無不爲力至本年經費竭蹶准在罰款內撥洋三十元即備狀具領可也

又批藝徒學堂傳有磷稟

拯游惰而挽貧弱莫如振興工藝此在稍知時局者能言之但工藝二字所包者廣要皆費巨工繁決非一人一家之力所能濟必借資於羣策羣力已在該生去臘稟內明晰批示乃該生並未遵批辦理但請撥款無論目前無款可撥就使將來或能酌撥杯水車薪於事何濟本縣

於工藝一事刻刻在懷每見紳士時輒與論及據言該生母子雖具熱心然偏不欲與人同辦今閱來稟誠見語非無因該生自揣一己獨力能有幾何僅此已成之局面而未充尙嫌規模太隘况并此區區者且難久支乎工藝之學與他學異苟其經理得宜資本充足收效可操券必象邑風氣雖塞豈遂無有志之士熱心公益古人一矢與十九矢之比例該生諒亦聞知幸即三思勿膠固我

批男爵邱世藩控徐國豐等稟

昨據徐國豐等以該村歉收稟求留穀供村人自食願照石浦市價給值並據該村董之子徐汝昌同區董俞鼈面稟已上船之穀仍運石浦餘穀由俞鼈眼同過秤照市面給價其錢由徐國豐擔任等情本縣以該世職連穀本係出售並非載歸自食但求善價不擇買主俞鼈等所議事屬兩便於該職並無不利是經明晰批示在案據呈前情候派差押令徐國豐等邀同區董延請公正商人仍照前議按照石浦市價公平計算過秤付錢徐國豐等不得少有抑勒該職亦不得過事居奇該世職既有莊田在胡家嶼則村人皆有隣里之誼以和爲貴慎勿固執

又批

前據該職具稟業已明晰批示並飭差押令徐國豐等遵批辦理該塘董等具有身家何敢糾

衆肆搶萬一果如所稟自當責令賠償決無任聽搶失之理本縣辦事處處斟情酌理前批已極明晰該職仍遵照辦理毋固執多瀆

批差吳才報花會稟

花會迭經嚴禁據呈前情候即飭拏訊明嚴究惟爾等奉稟係屬辦案並非查賭如探知有花會賭場情事自應回明本縣聽候派撥兵役拏案訊辦訊實後報案之人當照首告得實例酌賞何得擅自拘拏有錢則釋無錢則解直以國家禁令爲爾輩生財之道此等伎倆能肆行於本縣前耶從前陳陞初次稟賭卽已明白批示爾輩豈無聞見乃風聞近日因本縣禁賭甚嚴輒以查賭爲名到處索擾深堪痛恨此次吳才潘潮從寬各記大過一次停差三月以後非稟明本縣奉有信票不准擅自拘拏祇准來縣密稟訊明後予以記功給賞若借奉公之名爲索財之計一經訪明或被控告定照憲役詐贓例從重治罪着傳諭各役一體凜遵切切

批翁祥吳才等差役稟

賭犯自應拏辦第爾等不奉本縣命令毫無拘人之權况城內去署咫尺乃不來回明輒自拘捕爾等將置本縣於何地本縣遇事執法不少假借錢榮則責革矣愈春則收禁矣而爾等尙慙不畏法何無忌憚一至於斯翁祥係翁克剛上控未結之役周標係已革之差尙敢捕身多

事尤難曲恕已諭飭刑房查明開單送訊聽候訊明分別嚴辦以示懲戒

批大泥塘衆民公稟

你們大泥塘的百姓也是象山縣的子民本縣既作你等父母官那有不加普護之理但是作父母的必須面面顧到斷不能只顧一面設立學堂是奉

目的而且設在大泥塘是替你們大泥塘人家教訓子弟你們應當感激就拿加租一事而論尋常業戶人家每田一畝佃戶常年要納租洋兩塊多錢此項公田每年每畝只納洋八角七分就是酌加幾角比之私產田租還便宜許多你們豈可聽賀至榮的瞎話不想加租興學倒情愿抖錢上控這不是上當麼絡總董的稟帖是說一面勸業主捐錢一面令佃戶加租並沒有什麼首字次字這首次二個就是賀至榮造出來煽惑你們的就是這一層已是他的罪案了本縣前已面諭爾等如欲保賀至榮沒事速將每畝加租若干同絡總董議定報縣一面由本縣督同紳董向業戶勸捐決無拋却業戶專向佃戶加租之事惟須橋管橋路管路各辦各事你們若聽賀至榮誘惑定欲候業戶捐就再議加租則是有意把持本縣定惟賀至榮一人是問三尺具在決不稍寬你們務體本縣婆心同作象山的良民勿令賀至榮身罹法網是爲至要

批區董楊觀光等稟

本年秋收甚歉民食不足前據城紳具稟以茹絲爲糧食大宗近因出口日多價日昂貴貧民生計日難環請禁止出口以裕民食等情本縣忝爲民牧不得不通盤籌畫當與紳耆商會再三計議即該董所稱清明後霉變一層亦經石浦商會議及究以兩害相形取其輕且目前預算來年口食但憂缺乏無慮霉變衆議僉同羣請禁止至將來能否盈餘可以弛禁且俟明春察看情形辦理稟經本縣會同石浦分府憲龔會銜示禁在案是本縣於此中利害權之已熟斷不能因有碍學堂進款遂爾破壞大局設有憲役地痞借禁索詐示內早已明言許被詐者指控當予一律嚴懲乃該董輒因養正學堂有每洋三分之捐竟代牙戶請待來年禁止並派差放行欲使本縣狐狸埋狐搢朝令暮更試問成何政體且來稟一則曰多事再則曰民困不堪一若禁止茹絲出口爲厲民也者殊不可解該董前請將近村米谷遏纏不許運往石浦今則請將茹絲放洋前之胸襟何其隘今之胞與何其宏見解之元妙實非本縣管蠡之見所能窺測案已飭傳應俟訊明核判如果養正學堂年內用款專恃此陳曉雲一船茹絲捐爲挹注之大宗俟訊明後由本縣捐廉賠償以期足食興學兩不相妨可也

批文生陳顯位稟

以祠堂公產戶婚田土之細故乃引大義滅親之經訓得相容隱之律文均屬擬不相倫援引
近謬案已飭傳虛實均應庭質毋得藉詞規避表示情虛

批邁婦沈陳氏稟

敬宗收族情理宜然掩骼埋胔惻隱之正該氏幼子阿三死無以殮沈貞堃既誼居一本而又
家擁厚資即無產業作抵戚友相勸亦豈推不忍之心量爲資助况又有住屋樹木作押耶拒
絕不顧未免太甚着持批仍邀族長及原中向沈貞堃婉切開導行道有福沈貞堃諒不致固
執倘仍堅拒許由族長人等公請訊判

批陳文烈稟

鄭阿土之母如果欠爾會洋一元爾儘可於所欠阿土田租三元五角內坐扣豈有多數之田
租未還乃反先向索討少數宿欠之理呈內稱被阿土用木棒打傷兩肋而驗傷則在面部足
部又稱足上係被踢傷已與原稟不符察驗傷痕但見黃色藥一片厚塗無從量見分寸辨別
顏色本縣親手按捺毫不腫硬顯係捏傷圖朦揆度情形當因阿土索租過急該民歲闋債逼
窮極無聊乃出此反噬之計冀借以博度歲之資此等伎倆能欺本縣耶不准并斥

批媛秀女校長沈企新稟

古者家塾黨庠無人不學是以二南開化半出宮妃內則幼儀並詳男女欲謀教育之普及自宜女校之並興該氏母女有見於此因借學署設立媛秀女學以開風氣熱心桑梓嘉許良深惟察閱來稟僅有課程條款而無辦事章程且即以課程論如國文筆算手工固爲女校必不可少之科即地理歷史亦足以長識見至若英文羅馬文既非女學所重理蘊精深又非簡易所能畢業易蹈務廣而荒愛博不專之弊不如刪去改習修身一科教以女誠閨訓之類爲他日相夫教子之助所請立案之處應將違辦情形檢同辦理章程另稟候核

批戲班領袖稟

此項戲捐前據該領袖等具稟從上年八月辦起先認捐洋一百元隨收隨繳以後每年認捐二百元分三月八月兩期各繳洋一百元經本縣批准出示曉諭在案如果班中抗欠捐錢何妨一面繳銀一面稟追乃遲至年底分文不繳必待諭催始呈二月底期空票一紙假使到期再拖延二日便已抵三月第二次繳捐之期是以一百元之銀影藏兩期之捐而且已欠則以空票搪塞人欠則請按名差追欲藉官法爲私肥之助此等詭譎伎倆能在本縣前嘗試耶查爾等原稟但認年捐洋二百元而於各班之如何抽捐並未聲明各紳以爾輩取巧肥己嘖有煩言今核來稟具見人言不爲無因况此捐已經官紳集議上年之款備津貼富學館學生本

年之捐備興蒙學現在蒙學館學生早經申送城內四境蒙學亦開校在即待款甚亟何能任聽延宕着限五日內趕將上年捐款洋一百元先備現洋清繳繳清後再請差追外欠如再逾限不繳或繳不足數定提該領袖等到案押追另籌辦法勿謂言之不預也切切空票擲還

批勸學所王紳予稟

生齒日繁官力有限東西各國教育之普及大都得力於私塾故改良私塾實爲目前興學第一要義蓋私塾與學堂教法一律則民間習染自無歧視之意風氣可不期開而自開且塾師詆毀學堂之阻力亦可不期去而自去并可助學堂之不逮一舉而三善備焉據稟遵章分鄉立員以爲宣講並兼調查分赴各塾調查教法指示改正期收整齊劃一之效每員歲給夫馬費洋五十元即在勸學所公款內開支所見甚是允堪照行候即諭知林邦藩等遵辦仍希貴紳董詳訂規則稟候轉詳立案期實力整頓俾學務日有起色是所厚望

批謝補袞等稟

西周爲象邑繁富之區而乃左近無一學堂爲紳富者內省豈能不疚今該紳等有見於是議在宗祠中先立蒙學堂一所名曰崇本所辦甚是惟課程若何開辦與常年經費憑何的款支取所延教員是何名姓曾否在師範畢業歲脩若干何日開校學童實到者究有幾人均未聲

敘着即詳細填表送核毋徒託空言蹈補腦學堂覆輒至附設漁業科一節象邑三面環海以漁爲業者頗衆若能設立學堂研求進步大足爲象民生利但此須另立學堂廣購漁具延聘專門名家教授斷非蒙學生所能練習亦非蒙學師所能指示若僅令師生於星期日赴海濱研究茫茫大海更從何處研起勢必但有一說毫無實際且於蒙學章程不合應毋庸議

批下南鄉總董駱方溶稟

查大泥塘公田加租一案該董原未預聞本縣受事後以兩造各執思爲兩全之計期於興學值佃兩不相妨而其地又適在下南鄉爰請該董出任調人其時固早有加租之議並無勸捐之說自該董曲徇贊至榮之請始獻議一面加租一面向各業戶勸捐並查明塘內業戶姓名田畝開單送縣以爲開捐地步又將該塘大化學堂另選名望素孚之人接辦所以顧全贊至榮者實已無微不至祇因贊性刁狡多所要挾屢議屢悔以至案懸未結不謂近更以怨報德輒捏污蟻之詞上控希圖抵制此皆本縣涼德不能收中孚豚魚之效而然披閱來牘內疚良深惟前奉 憲札並無飭傳該董之語本縣在此一日自當主持公道一日就使將來狡謀果遂本縣當以去就力爭自古無兄盜嫂娶孤女搗婦翁之事本所恆有是以孔聖論人不取鄉人皆好該董持躬端潔處事公平不特爲本縣所深知且亦通邑所共信確爲堅白何懼繭磷